

Bola tampar eratkan staf Pentadbiran, Kewangan

OLEH JAINUDIN DJIMIN

NST 12.7.2017 15

LABUAN: Perlawanan bola tampar persahabatan antara Sektor Pentadbiran dan Sumber Manusia (SPSM) Universiti Malaysia Sabah, Kampus Antarabangsa Labuan (UMSKAL) dengan Sektor Kewangan telah mengeratkan lagi hubungan baik antara kakitangan kedua-dua sektor tersebut.

Perlawanan yang diadakan baru-baru ini di gelanggang bola tampar Universiti Malaysia Sabah, Kampus Antarabangsa Labuan (UMSKAL), bertujuan untuk memastikan kakitangan sen-

tiasa sihat, cergas dan cerdas.

Malah, Timbalan Pendaftar Kanan UMS Labuan, Zamri Haji Mohamad Tuah sentiasa menggalakkan kakitangan agar sentiasa menjaga kesihatan bagi memudahkan mereka menjalankan tugas seharian dengan selesa.

“Saya bersama Pengarah KAL, Prof Madya Dr Murnizam Haji Halik sentiasa menggalakkan kakitangan supaya melakukan aktiviti sukan dan riadah bagi menyihatkan tubuh badan sekaligus dapat mengeratkan persahabatan antara mereka,” katanya.

Sementara itu, Ketua Sektor Kewangan, Mohd. Nazir Ab.

Manan berharap aktiviti sukan seperti itu akan terus diadakan bagi memberi ruang dan peluang kakitangan berinteraksi dengan kakitangan sektor lain.

Pasukan SPSM diketuai Penolong Pendaftar, Dg Norsiah Ag Seman yang turut dibarisi Che Din Md Salleh, Mohizam Mohamad, Zek Jas, Dg Marianah Ag Ibrahim, Mohd Fikri Dollah dan Suharno Sutarno.

Sementara itu, Mohizam menjelaskan beberapa acara sukan seperti bola sepak, futsal, bowling, Zumba, badminton dan sepak takraw akan turut diadakan pada masa akan datang.



PERSAHABATAN...
Pemain-pemain pasukan Pentadbiran (duduk) bersama pemain Kewangan sebelum perlawanan bermula di gelanggang UMS Labuan, baru-baru ini.